

六岳登臨志

六岳登臨志序

志五岳者古有矣志六岳者以玄今之岳

於古合五爲六重

王制也古志岳者九岳之所有無不志爲岳也今志  
岳者爲遊也選嚴而簡薄便登臨也余少卽有遊  
岳之願以貧不能遊甲寅年赴友人蒼梧之召僅  
得便一登衡幸於書肆先買岳志不致憧憧乃念  
遊岳者必先有志而後可以言遊一山一水如逢  
故人以胞中之流峙證眼底之高深雖未必盡窮

章亥之步呼名喚姓長揖可別有如乘輿而往便  
道而登囊中無名勝片紙忽焉蠟屐以輿人爲雲  
笈以道士爲掌故雖遊矣雲霧爾一泰岳也有已  
登而後見志者馮確菴至天門王辰玉至嶧陽纔  
披岱史有已登而竟未見者江東王大令三遊而  
不得石經峪次公嗣至而恨失黃華洞雖云勝遊  
難辭鹵莽其所遊者不過香火拜瞻之地祈年祝  
釐之場辱岳矣并辱遊矣余問以此語與郢中向  
方伯紫房公譚爲余廣求六岳諸書遂得采而志

之以待山靈感召之緣不意賊氛入楚飄忽荆門  
移居城內丘墳散失此書亦失其三紫房公謝世  
再倩無從庚辰年

祖臺晉陵彙旃高先生督學三楚下徵求隱棲著  
述之檄州學博以余對又檄州遴選善書者二十  
餘人抄余未刻諸書六岳以殘缺未報深加惋惜  
辛巳秋九月余訪萃亭于野章先生於沔又爲余  
廣覓所失三志俱得焉留滯沔上各抄一帙抵荆  
嘉平月廿一日矣即日掃案補訂逸編忘其爲除

夕爲元旦爲雨雪霏霏也七則之中詩詳於古而  
畧於今記詳於今而畧於古以詩今不畧古記古  
不畧今也即于野章先生登岱記諸佳處不俱論  
如秦漢規制泯滅無聞一結絕不非葛藤語却又  
澹蕩有情無限淒其今此書成矣可以報

高先生矣然余貧而且老不能遊矣惟以此帙貽  
之同調矣有力支筇之客如新豐鷄犬門巷周悉  
無力卧遊之子亦不須四壁丹青愚公爲爾移山  
几案矣獨余出世不能住一峰證僊佛靜寂飛昇

之業入世不能素一筆隨帝王巡狩封禪之後徒  
向破紙殘文內想鬼斧神斤之奇騰蟠伏揉飛之  
續悵頑翠而神馳夢空青而淚落者四十餘年矣  
魯賦一詩曰五岳繞遊一名山債未了烟霞清冷  
骨誤向紅塵老山水緣慳至我極矣因想韓昌黎  
既已袖拂天星痛哭何為豈三上宰相書上人無  
死二華峰頭之骨此語世人多不肯押請以質之  
六王於戲至於巖承石髓洞貯金津睡龍蟠據之  
牀獐犬防園之戶與夫董雙成咲語傳聲之別館

王子登往來煉藥之離宮香案吏當另存傳譜有  
非塵土下士所能叅訂者也則茲編也亦猶夫道  
士輿人而已矣其不辱岳也幾哉

晉

崇禎壬午春二月花朝日龔黃自序

六岳登臨志卷之一目錄

東岳

秦之疆域

秦之紀叙

秦之勝地

秦之神祠

秦之方士

秦之藝文

秦之雜記



執事堂





武寧黎堤寫

六岳登臨志卷之一

楚荆門龔黃文中父編輯

東岳泰山

泰之疆域

舜典曰岱宗

禹貢海岱惟青州 又海岱及淮惟徐州

魯頌泰山巖巖魯邦所瞻

山海經泰山環水出焉東流注于海

爾雅河東岱 又泰山為東岳

周禮職方河東曰兗州其鎮曰岱山

尸子泰山之中有神房阿閭

郭璞書泰山在奉高縣西北從山下至頂四十八里

三百步

公羊傳觸石而出膚寸而合不崇朝而雨天下者惟

泰山耳

五經通義云一曰岱宗言王者受命易姓報功告成

必於岱宗也東方萬物始交代之處宗長也言為

群岳之長

後漢書光武封泰山雲氣成宮闕

道藏書泰山周迴一百六十里崎五十步方面各四  
千里

法苑珠林泰山之東有醴泉焉其形如井本体皆欲  
取飲者皆洗心跪而挹之則泉出如流若或污慢  
則泉縮焉蓋有神明以宰之也

杜光庭洞天福地記三十六小洞天第二洞東岳泰  
山周迴一千里名蓬玄之天在兗州

道經五岳之神分掌世界人物各有攸屬岱泰山乃

天帝之孫羣靈之府主世界人民官職生死貴賤等事

茅君傳仙家凡三十六洞天泰山周迴三十餘里名三宮空洞之天

岱宗記梁父長白二山為泰山輔岳

五岳記東岳泰山岳神天齊王頌仙官仙女九萬人山周迴二千里在兗州奉符縣

列仙傳岱宗石室中上下懸絕其中金床玉几博物志泰山一曰天孫言為天帝之孫也主召人魂

魄東方萬物始成知人生命之長短

博聞錄泰山名蓬玄太空洞天岳帝所居其高四千  
丈環一千里

魏莊渠書泰山之上有日觀峰者夜半可以眺而見  
浴日彌望如鋪金者海也綠色微茫中有若掣電  
者海島溪山相間也金色漸淡日輪浮動水中如  
大玉盤適海濱望而見海日是矣登天台之巔曰  
華頂者乃知此特小海耳諸山環列外乃為大海  
泰山有日觀者觀日于未出也有月觀者觀月於

華山志 卷之七  
已沒也長安觀者西望泰間諸山也越觀者南望  
會稽諸山也衡山有七十二峰亦有日觀月觀不  
及泰山者當卯位也

曾鞏二堂記泰山之北水與齊之東南諸水西北匯  
於黑水之灣又西北匯于柘戍

獲東坡送楊傑詩序無為子嘗奉使登泰山絕頂雞  
一鳴見日出

通志濟南諸山其北麓也兗州諸山其南麓也青齊  
海上諸山其左翼也河東諸山其右翼也斯其為



泰山矣乎廼若山南則有漢武遺栢天門則有五  
大夫松絕頂則有秦無字碑懸崖則有唐開元銘  
斯則泰山古蹟之最優者

勝覽嘗臘月衝雪登岳至御帳雲烟模糊至十八盤  
天宇開霽俯矚山腰猶有雲靄及下山大雪如故  
冬春之交諸谷崖出烟霧寒甚初尚可指數頃則  
靄靄蒙覆盡失山形少霽溪壑林木及樓閣簷手  
凝結冰花珠聯粉綴如畫嘗於春時晨觀山半雲  
布平密絢爛一色宛然倒看天宇四月以後山多

蒸濕不可居五六月亦寒衣必綿卧必炕早暮如  
深秋遇夏時暴雨山半風激雲湧雷聲電光皆出  
其下隱約見麓地白波沆漭如海頃忽雲升岳巔  
則上下皆雨人飲諸崖水皆瀉惟瑤池白鶴水簾  
五花王女數泉井美元居祠東崖一竅泉滴如珠  
晝夜出一斛許其味尤佳

畢瑜廟記云山東合齊魯封疆為藩屬郡有六而秦  
山雄峙其間根盤三百餘里秀拔天下靈著四方

秦之總叙

復州陳文燭曰東岳南麓為泰安州州城門四東曰  
靜封西曰望封南曰乾封北岳登封城中有東岳廟  
廟前有遙叅門自登封門北行三里為紅門飛雲閣  
更衣亭自紅門而進循谿轉澗陀陂礫硎巖谷鈴鈇  
逶迤行五里為高老橋廣濟橋旁有漢壽亭侯祠又  
前為水簾洞巖巖亭石經峪自水簾洞行四里為馬  
棚厓又前為回馬嶺有玉皇廟自回馬嶺上行五里  
為黃峴巖又三里為快活三自快活三西北行過雲

陽洞凡五里至小天門有五松亭朗然子洞護駕泉  
又五里為大小龍口龍泉觀過化棲自龍口行五里  
過十八盤為南天門旁有白雲洞天門東北為元君  
廟有玉女泉秦篆碑玉女祠東北為岳神廟廟前後  
有唐宋磨厓碑又北上至太平頂至玉帝廟廟後即  
泰山絕頂廟前為秦皇無字碑又東南行為日觀峯  
舍身厓仙人橋試心石自岳頂分別岳北有孤山襍  
山鶴山千佛山老鴉鶴鴿二峯黃伯陽金縵二洞南  
拱北拱二臺臘脂方正二石又有溪里峪仙人寨懶

振石屋仙臺嶺岳西北有石馬山五女閣石靈巖寺  
嶽西有秦觀周觀有二峯西神霄石後雕窩三尖黃  
山諸山桃花白鶴委敬諸洞西橫思卿二嶺又有大  
小懸石仙閣巖西溪黑水灣岳西南有大人傲來回  
鴈鷄籠懸刀芙蓉獅子飛鴉諸峯東北丈西百丈仙  
影諸厓鞍牛布金二山大峪仙趾峪水仙天勝二寨  
劍匣試劍二石又有兩峯巖青嵐嶺天紳泉白龍池  
岳南有吳觀凌漢獨秀蓮花諸峯社首蒿里徂徠諸  
山登仙讀書鳳凰舞鶴諸臺石壁鄴都鬼兒椒子諸

峪呂公遙觀魁仙諸洞龍文虎阜三石王母封家二  
池香井醴泉飛鸞白鶴滌塵諸泉又有蛻仙巖五花  
厓投書澗羊腸坡虬在灣凌漢寨元君行宮岱岳朝  
元青帝會真諸觀鄆都萬里后土靈泠侯趙相公諸  
廟魯兩先生祠環翠亭封祀壇朝觀壇陰字碑岳東  
南有青山升仙嶺谷里石舟漢明堂望仙臺又有羊  
舍東柳西柳諸泉岳東有東神霄山竇山分水嶺博  
城嶽東北有玉女山谷山思谷嶺堯觀臺周明堂石  
屋張遠寨天井玉環泉

秦之勝地

山 二十七

鳳凰

在岳頂西南白雲洞上

象

在鳳凰山下

石門

在州南漢武帝禪於此

介石

在州南五十里宋真宗禪於此

亭亭

在州南五十里黃帝禪於此

梁父

在州南一百里秦始皇禪於此

云云

在梁父山東古稱七十二君多禪於此

微來

在岳頂西南作石几矗立御帳坪俯視尤奇下有



竹林寺寺後有觀音洞

青

在岳東南麓漢明堂東北樹色蒼翠

黃

在岳頂西四十里以土色名與青山皆岳之左右

翼

鞅牛

以形名

布金

一名布山天倪子張志純隱煉于此

東神霄

在岳頂東十里

西神霄

在岳頂西十里

石後

在岳頂西十里多巨石

孤

在岳頂北十里平澗中崢嶸特起

玉女

在岳頂東北十里有玉女脩真石屋

石馬

在岩頂西北十五里山形如馬

鵬窠

在岳頂西十五里屋多鵬窠

襜

在岳北十里如人負子狀

鵲

在岳頂北十里林木蔥鬱野鶴巢此

亭禪

一名高里一名嵩里一名社首三山聯屬俱在岳南

三尖

在岳頂西十里山有三巖

徂徠

在岳南三十里一名玲瓏山岳之繁山上有紫源池有天平東西二寨其下曰白河灣曰竹溪唐李

白孔巢父韓準裴政陶沔張叔明隱此號曰竹溪  
六逸唐石介因故址築室著書學者稱徂徠先生  
八寶

在岳頂東百里屬萊蕪一名黃山岳之支山也

### 蠟燭

在玉女山北其石獨立如燭

### 千佛

在山東會城南五里是為岳之北麓

### 峰二十

天柱

在岳頂西南仰止亭後

日觀

在岳頂東五鼓可見海上日出上有觀海亭

月觀

在岳頂西對日觀而言義取月朏庚方耳訛曰越觀

秦觀

在岳頂西可望長安

周觀

亦在岳頂西可望齊

吳觀

在岳頂東可望會稽

丈人

在岳頂西南特立如蒼顏丈人

鷄籠

在傲來峰前以其形似取名

懸石

庄岳頂西南

回鴈

在岳頂西南即鴈飛嶺鴈南翔多止于此

獨秀

在岳之陽屹然挺秀

獅子

在岳之陽以形似名

蓮花

在獨秀峯東奇蹠如蓮



懸刀

在岳西南西溪上

芙蓉

亦在西溪上

飛鵝

亦在西溪上與獅子峯相連古有翠芙蓉亭

龍泉

在斗母觀東北峯石峭接

老鵝

在岳頂北多古木鴉巢

鴉巢

近老鴉峯峭壁懸窟鴉巢多巢于中

凌漢

在普照寺後

君子

在岳頂

巖八

兩峯

在岳頂西兩峰對峙下有一穴如屋

仙閣

漢書武帝泰山紀岳頂西巖名為仙閣

蛭仙

在岳之陽州志翰林王從之跣趺坐化于此元好

問送張天倪詩云蛭仙巖上願遲留

古雲

在回馬嶺

弄月 看月 摘高 鎖雲 四巖無考

嶺

十三

青嵐

在岳頂西南蒼木蒙密青嵐深厚

回馬

石磴漸峻乘馬至此不能上故曰馬回亭有古雲  
巖聖水泉可濟遊人之渴應邵漢古儀上山至中  
觀晉馬望闕如從谷底仰觀抗峯石壁窅窅如無  
道徑

黃峴

王多黃色勢甚險峻過此一徑平易名曰快活三  
鴈飛

即回鴈峰在岳頂西南鴻鴈南翔多止於此  
西橫

在岳頂西削壁橫亘數十餘丈  
思鄉

在岳頂西俗傳人死魂歸於此而思鄉  
十峰

在玉皇廟右

分水

在岳頂東漢明堂後楊老園西

升仙

在岳頂東南漢明堂東北隅相傳有仙人冲舉于

此

長城

在岳之西北古長城鉅防之地

思谷

在谷山寺南

仙臺

在岳北六十里

招軍

在岳頂西南徽來山前

明月

在岳北群峯秀列若屏障然

峪十二

大龍 小龍

小龍口石硤深廣衆水所歸中有飛泉若龍噴漱

三才圖會  
卷之七  
桃花

在岳西南二十里桃花洞南

仙趾

在竹林寺山後里許有仙人草履跡長尺餘馬蹄

長五寸許故又名馬蹄峪

石經

在水簾洞東石平坦半畝許古刻金剛經楷書有

近八分書者字大尺許相傳王右軍筆

石壁



在岳之陽峭削如壁

大

在傲來山竹林寺下即中漢之跡內有白龍池百丈崖天紳泉諸景

鄧都

在岳之陽俗傳為冥司峪南有鄧都廟

鬼兒

在嵩里山陽俗傳人死魂歸於此出張華博物志

佛寺

在岳之北四十里即谷山寺有石佛

椒子

在岳之陽昔有異人種椒於此

溪里

在岳之陰巖穴深邃上有湧泉四時不竭名曰勝

泉旁有勝泉寺

崖九

孔子

在岳頂西南

捨身

在岳頂北聯屬曰觀峯下餘三面壁陡削數百丈上平廣中有石凸起丈許愚民往往捨身投崖以徵輪迴之福

東百丈

在岳頂西南崖泉瀑布而下匯為天紳泉西百丈

與東崖相去三百步其高十倍東崖而東崖西向  
西崖則東向

仙影

在岳頂西南山石蒼翠惟仙影皎如指素

五花

在岳頂南出州城北仰望不見岳頂者此厓蔽之

耳

鵲鵲

在岳北峭壁之上多巢野鵲

馬棚

在岳之陽形如馬棚壁削數仞上有墨書三畫風

兩不唐世傳呂洞賓書故又稱三字崖

御帳

在御坪

石 二十三

嶽巔

在玉帝觀前

望海

在日觀峯東北五鼓日初出可見故曰望海

大懸 小懸

在岳頂西二石形有大小屹然相峙

仙橋

在捨身崖西懸崖相對相去五尺許三石撐柱如梁

試心

在仙橋石西二石鈎連懸崖萬仞深不可測人登踐之搖動恐怖故曰試心

劍匣

在大峪西溪之澗有方石如匣相傳中藏寶劍為

仙人取去

試劍

在大峪口相傳仙人取劍斷劈此石半仆於地二  
石文理宛若中分

仙影

在試劍石旁其影有中有劍伸一足而坐石平如  
磨厓影處如剝如勒而實非人為相傳取劍劈石  
者卽此仙也

龍文

在岳之陽石層如龍鱗皺起

虎阜

亦在岳之陽如虎蹲踞

龍口

兩石相附中噴清泉

牛心

形如牛卧

羊關坡

相傳仙人牧地



方正

形不偏頗

胭脂

色如塗丹

紅門

石色紅絳望如朱門

五女園

在岳西北居人相傳恒有呼號助力之聲詣朝見  
石叢成園稱為五女不知所起

石屋

有二一在玉女山半一在山趾相傳碧霞元君煉真之所

懶張石屋

在岳頂北麓懶張道人修煉於此

石舟

石二一在白龍池一在岳東南如舟形

河

漆

源出岳頂西南諸谷匯為西溪由白龍池出大峪口南流入泮河會汶水以達于漕

梳洗

源出黃峴嶺諸谷之水匯為中溪過王母池池上有王母梳樓粧其水由州東南會泮河入汶

泮

源出岳頂西桃花峪諸水轉州治東南二十里入

汶

汶

其源有三一出岳東麓萊蕪縣原山一出萊蕪寨  
子村皆經徂徠山之陽一出岳北仙崖諸谷之西  
流經徂徠山陰會泮水南流三十里曰大汶口又  
西南經汶上縣北以達漕河

泉

碧天

在岳頂廣生殿東

碾駝

在丈人峯下岳頂人皆取給於此

天紳

在做來山百丈崖下懸流下瀉如垂紳之狀

白鶴

在岳陽麓朝元觀後清冽甘美以城中井水較之

輕重亦異

護駕

在黃峴巖御帳之下以宋真宗登岳得名王奕詩

駕幸源頭猶且護如何護不到崖山

聖水

在回馬嶺

水簾

有二一在西百丈崖一在巖巖亭石

湫塵

在岳南麓后土廟內游人多掬水湫目又名眼光

泉

飛鸞

在王母池右水甚清冽流注池中

醴

在州治西天書觀史稱王欽若奏泰山階醴泉此  
其一也今雖不竭無異凡水法苑醴泉今失所在  
羊舍

距州治九十里

東柳 西柳

距州治百里

池  
四

王母

一名瑤池在岳南麓其水自黃現嶺而下會石金

峪水蘆洞諸源委滙至此猶為池昔皇帝建觀岱  
岳遣七女人雲冠羽衣脰奉香火以迎西王母志  
稱泰山三溪此即中溪也池東南有梳洗殘

玉女

在岳頂元君祠右井寒清冽四時不涸一名聖母  
池又名雲水池

白龍

在傲來山址廣數尋深下可測

封家



在岳南麓封家墅中引白鶴泉下流滑涓瀝焉

洞 十四

白雲

在鳳凰山下由蓬玄坊南行數武石磴陡絕而下

洞中數石有竅時出白雲如香烟縹緲灑然滄然

攝合山頂

水簾

在高老橋上源自天神巖出飛流垂練聽之泠泠然如環佩聲下通于溪

李唐

迎陽

一名雲陽洞一名朝陽可容二十餘人旁有天仙

行宮

黃華

在岳北玉女修真處

呂公

在王母池則一名金母洞金母者王母也又州西

亦有呂公洞

遼觀

在岳之南一穴高深遊者憇此可覽郡山

鬼仙

在蒿里之陰窈然幽暗人不敢入

白鶴

在岳西四十里可容三十餘人

黃白陽

在岳西十五里戰國時黃伯陽修隱於此

金縑

在岳北九十里可容百餘人丘長春煉丹處

桃花

在岳頂四十里洞可容數十人其前為桃花峪

朗然子

在岳半御帳東里許洞可避兵容三十餘人

觀音

在竹林寺山後

婁敬

在岳頂西百里漢婁敬隱地旁一洞出硝石

澗 三人

投書

在凌漢峯下胡瑗海陵人與孫復石介講學泰山  
攻苦茹淡終夜不寢十年石歸瑗得家書問有平  
安二字即投之澗中不復展讀故以名之

鷹愁

在十八盤下

三泖

在岳北凡三交流而分進東西

溪 三

新唐書

東

源出岳陽登仙臺下及青山諸水經漢明堂

中

源出黃峴嶺下會諸谷之水

西

源出岳頂以西諸水會百丈崖白龍池大峪

泰之神祠

廟

九

東岳

在州城西北隅廟制規模宏侈儼如帝居殿前古  
松數十株蟠結偃蓋非他境所有漢栢唐槐亦皆  
特異銀杏大者圍三汲火空其中奇石玲瓏者九  
碑石林立其可為法者張侍制滌書宣和廟記廟  
前有亭曰遙泰亭前為御街宋東封警蹕之地而  
實為廟之第一門也有門曰草叅凡有事於岳者

先拜於亭而後入廟

東岳上

在岳頂磨崖碑前

玉皇

在岳之西馬嶺廟前晦許為崖磴高三丈餘磴盡

處為仙昇閣

三官

有三其一在岳之中道曰快活三其一在治西關

其一在治東關



鄧都

在岳之南麓升元觀東其神為鄧都大帝

趙相公

在社首之陽其神見搜神記及宋人元豐記石

三靈候

在南天門祀周諫官唐宸葛周武按通志三人墓

在高苑縣

靈派候

在州治西南漆河東溪其神舊名曰漆河將軍後

曰通泉侯宋真宗封靈泚侯

淵濟公

在岳頂白龍池上邑人隨合白龍殿記王天挺靈  
異記

宮 三

挾仙

在岳頂觀海亭之西有孔子小天下處五大字米

元章書

會真

在州城東南隅舊名奉高宮宋真宗駐蹕改今額  
碧霞靈

在岳絕頂下舊名昭真觀

觀 三

青帝

凡二一在岳巔一在岳南麓帝即漢唐所祀五帝  
之一按漢書及宋天文志青帝天神也而東岳屬  
焉此廟祀之所由起也

升元

泰唐堂

在岳之南麓鄧都廟西

天書

即乾元觀今榜曰碧霞元君行宮在州城西里許  
史載天書降于泰山即其地也

書院

泰山

在岳南凌漢峰下舊為唐詩人周朴菴後為孫復  
石介胡瑗講習之地

亭

環詠

在東岳廟其間有歸琦蔡襄范仲淹歐陽修石曼卿蘇子美林逋諸公題識种放會真宮詩而故刻則堙沒不可見矣惟諸公題識姓名尚在歲久亭廢諸石刻亦淪於荒穢中矣

臺六

鳳凰

在岳之陽

登仙

新虞堂

在岳頂之陽相傳呂純陽登此

南拱

在岳之陰巉巖拱峙上接平坦

北拱

亦在岳之陰

堯觀

在岳頂東北十里玉女山頂有石平坦如臺相傳

堯封禪登此

讀書

在普照寺西北後山過投書澗山麓有石方四五丈許宋孫泰山石徂徠胡安定讀書之所姑蘇李果八分書刻石

橋九

高老

在紅門上五里相傳有學黃老者姓高始開此道住水流

在水簾洞下

聖仙

在馬棚崖下

龍

在小龍峪

步天

在二天門

漱玉

在石經峪道中

王母

在王母池上橋之東則呂公洞橋之西則岳廟



漆河

在漆河上州城西南河津

金銀

即漆河橋之西南隅

古蹟 十三

五松亭

秦始皇封松處今松存者二又名御帳以宋真宗  
嘗此駐蹕於此

石閣

漢書曰武帝封泰山禪石閭應邵曰石閭在泰山  
下南方士言仙人閭泰山記曰山頂西岩為仙人  
石閭

登封臺

有二其一在岳頂相傳為古帝王登封所築今為  
玉帝觀臺下小碣題曰古封禪壇其一在日觀峯  
相傳為宋築石函方丈許亦刻題曰古封禪壇  
周明堂

在岳東北四十里遺址尚存旁有谷山寺

漢明堂

在岳址東南去州治十里武帝元封間用齊人公  
玉幣所獻圖創焉其上有元人題刻明堂故基四  
字

長城鉅防

在泰山西緣河千餘里至琅邪臺入海蘇代說燕  
田齊有長城鉅防而韓非子齊記括地志竹年記  
年諸書所載皆同

無字碑

在岳頂登封臺下秦始皇立或曰石表或曰神主  
石或言其下有金書玉簡當是石函古今人莫測  
其意石黃白色頗光瑩無苔蘚非岳之所有史記  
漢武帝置五車石於岳今莫知所在故橫菴詩云  
已迷漢武五車石却笑秦王無字碑

秦篆碑

在王女池上李斯書始皇二世頌德文宗劉跋序  
泰山秦篆譜時尚有二百二十有二字今湮泐僅  
存二十九字中旌題石曰秦斷碑

磨崖碑

有二在岳頂東岳祠後一為唐玄宗八分書紀泰山銘字五寸許遒勁可愛一在崖右刻唐蘇頌撰東封朝覲頌字徑寸餘書法類晉

社首壇

在岳南二里許曰社首山聯屬嵩山前代多禪此陰字碑

在州之乾封門外迤東三百餘武是為宋真宗卷謝天書述二聖功德序銘曰陰字以字鐫北面從

俗稱也或曰金字謂當時以金塗飾也或曰禋祀以精意享祀言也

御帳坪

在岳之中道即秦封五松之地宋真宗東封駐蹕于此金石上柱窠帳殿之遺蹟也

謝過城

在岳東南趾漢明堂則即齊魯會夾谷歸龜陰汶陽以謝過者也故曰龜陰田曰汶陽田

秦之方士

神仙傳 一人

泰山老父不知姓氏漢武帝東封見老父於山下道傍頭上白光高數尺怪而問之老父曰臣年八十五時東老垂死遇有道者教臣絕穀但服木飲井水枕神枕枕中有三十二物以二十四當二十四氣以八當八風臣行之轉老為少日行三百里臣今年百八十矣帝受其方賜以玉帛老父後入山去每十年五年還鄉里僅三百年不復還矣

列仙傳 四人

稷丘君泰山道士漢武帝時以道術受賞及帝東封稷丘君擁琴迎拜止帝勿上上必傷足帝上及數里左足指折諱之還尋稷丘君竟不見遂為立祠

安期生琅琊人賣藥東海嘗以玉為一壘報秦始皇李少君泰山採藥病困遇安期生與神樓散一匕而愈

馬明生臨淄人名和字君實少為賊傷殆死忽遇一女子乃太乙夫人也與藥一丸服訖即愈遂自稱馬



明生隨夫人入泰山石室試以魑怪虎狼不懼挑以  
美女不動夫人曰可教有妾期生至夫人以明生付  
之乃得安生期丹經神方後入華山修煉漢靈帝時  
胡廣訪以國事俱驗後白日昇天

崔文子泰山人賣黃散赤丸於都市自言三百日後  
民有大疫百期擁朱堵繫黃散濟人全活以百萬計  
續列仙傳 一人

張忠字巨和中山人永嘉之亂隱於泰山服氣食芝  
符堅聞其賢徵至長安以野服見堅曰先生獨善之

美有餘濟世之功未足故遠屈先生將任以齊尚父  
忠曰昔周喪亂避地泰山與鳥獸為侶尚父非敢擬  
願還餘齒歸岱宗堅以安車送之過華山歎曰我東  
岳道士沒於西岳命也已而化去謚曰安道先生

五岳真形圖

一人

成功與不知何許人仙道成於泰山

一岱史

五人

丘康機字通密居泰安長春觀因號長春子元賜號  
神仙無為演道大宗師後往嶧山仙化今觀中遺像

尚存

徐世隆別號復齋不知何許人元翰林學士夙與泰山天倪子遊元季喪亂變姓名上下泰山常居岳祠或城隍廟三緝子從學一教習泗水起距一授漢書其一曰王圭授舉子業久之別去言三子貴賤短修其後授漢書者曰盲賴說書為衣食習泗者遇濟南灌城之厄以泗解圍以起距脫虎致爵賞圭登科膺爵齒三人所至悉如其言圭年八十許時世隆復來見天順間又至泰山惟升元觀一老道士識之其容

貌如兒時所見後不知所終

張志純號天倪子泰安人居會真宮道行超群初名  
志偉元主改今名授紫服重建岱岳升元二觀王奕  
贈詩云赤松宗世遠岳也作神仙註云有人百二十  
歲三見帝矣化日自頌曰陛下娘生皮袋此際樂然  
輕快百尺竿頭進步達玄洞府去來去來前世宿德  
賢僧今非道門小才

王從之不知何許人初官翰林後隱泰山踰趺而化  
人稱其地曰蛻仙巖

呂巖字洞賓宋天聖戊寅三月二十一日書五言絕  
句於王母池署其後曰回翁題政和丙申六月十八  
日復書七言絕句署其後曰回公再書前後書法皆  
類顏魯公再書二字類遲賢亭刻人莫能識好事者  
摹其真蹟於會真宮觀其詩則知純陽子三至泰山  
矣

太平廣記 一人

張僊不知何許人開元中與李生同至泰山學道久  
之李以宗室辭歸仕至大理丞屬安祿山亂攜家累

陽壽奉使揚州途觀張子邀李同宿門底壯麗儼從  
璀璨李視女妓中有持箏者酷似其妻及罷張呼持  
箏者以林擒繫裙帶上各歡去明日李復至門館荒  
穢無行人跡詢鄰人曰此劉道玄宅已十餘年無居  
者尋還襄陽索其妻裙帶來果得林擒問其故云一  
夕夢見五六人追云張隱喚搗箏臨別以林擒繫裙  
上於是知張已得僊矣

唐書 一人

王希夷滕人少事嵩山黃願學養生四十年願卒乃

隱居徂徠與劉玄博友善喜讀周易老子餌松栢葉  
及雜華年七十餘筋力柔弱玄宗東封時年九十餘  
令張說訪以政事又延入宮中與語大悅授國子博  
士不拜乞還山敕州縣春秋致東帛酒肉未幾仙去

盛史 一人

海印泰安州人居鄒縣大明禪院如道悟常夢異僧  
指示一旦呼弟子謂曰吾幻身非久住世親言偈畢  
端坐而化三日慈容如生其院上紫霧光明貫於天  
際邑令見之稱為真佛

泰之藝文

詩

飛龍篇

曹植

晨遊泰山雲霧窈窕忽逢二童顏色鮮好乘彼白鹿  
手翳芝草我知真人長跪問道西登玉堂金樓復道  
授我仙藥神皇所造教我服食還精補腦壽同金石  
永世難老

驅車篇

驅車揮駕馬東到奉高城神哉彼泰山五岳尊其名



隆高貫雲蜺嗟峨出太清周流二六候間置一二亭  
上有湧醴泉玉石揚華英東北望吳野西眺觀日精  
鬼神所繫屬逝者或斯征王者以歸天效厥元功成  
歷代無不遵禮記有品程探策或長短唯德亨利貞  
封者七十帝軒皇元獨靈殫霞救沆瀣毛羽被身形  
發舉蹈虛廓徑度升窈冥同壽東父羊曠代永長生

仙人篇

仙人攬六著對博泰山隅湘娥拊琴瑟秦女吹笙竽  
玉樽盈桂酒河伯獻神魚四海一何局九州安所如

韓終與王喬要我於天衢萬里不足步輕舉凌太虛  
飛騰踰景雲高風吹我軀迴駕觀紫微與帝合靈符  
閭闔正差我雙闕萬丈餘玉樹扶道生白虎夾門樞  
驅風游四海東過王母廬俯觀五岳間人生如寄居  
潛光養羽翼速超且徐徐不見軒轅氏乘龍出閭湖  
徘徊九天上與爾長相須

泰山吟

泰山一何高迢迢造天庭峻極周以遠層雲鬱冥冥  
梁父亦有館蒿里亦有序洮岑延萬鬼神方集百靈

長吟泰山側慷慨激楚聲

泰山吟

泰山秀維岳崔嵬刺雲天  
岵嶸既嶮巖觸石輒遷綿  
登封瘞崇壇降禪藏肅然  
石間何旡藹藹明堂秘靈篇

泰山吟六章

李白

其一

四月上泰山石平御道開  
六龍過萬壑壑谷隨縈迴  
馬蹟遠碧峰于今滿青苔  
飛流灑絕壑水急松聲哀  
北眺嵒嶂奇傾崖向東推  
洞門閉石扇地底興雲雷

登高望遠瀛想象金銀臺  
天門一長嘯萬里清風來  
玉女四五人飄飄下九垓  
含笑引素手遺我流霞杯  
稽首再拜之自愧非仙才  
曠然小宇宙棄世何悠哉

其二

清曉騎白鹿直上天門山  
山際逢羽人方瞳好容顏  
捫蘿欲語却掩青雲關  
遺我鳥跡書飄然落巖間  
就其字乃上古讀之了不閑  
感此三嘆息從師方未還

其三

平明登日觀舉首開雲關  
精神四飛揚如出天地間

黃河從西來窈窕入遠山憑崖望八極目盡長空開  
偶然直青重綠髮雙雲鬟嘆我晚學仙蹉跎凋朱顏  
躊躇忽不見浩蕩難追攀

其四

清齋三千日裂素寫道經吟誦有所得衆神衛我形  
雲行信長風颯若羽翼生攀崖上日觀伏檻窺東溟  
海色動遠山天雞已先鳴銀臺出倒景白浪翻長鯨  
安得不死藥高飛向蓬瀛

其五

日觀東北傾兩崖夾雙石海水落眼前天光搖空碧  
千峰爭攢聚萬壑絕凌歷細波鷗上仙去無雲中蹟  
長松入雲漢遠望不盈尺山花異人間五月雪中白  
終當適安期於此鍊玉液

其六

朝飲王母池暝投天門關獨抱綠綺琴夜行青山月  
山明月露白夜靜松風歇仙人遊碧峰處處笙歌發  
寂聽娛清暉玉真連翠微想象鸞鳳舞飄飄龍門衣  
捫天摘匏瓜恍惚不憶歸舉手弄清淺誤攀織女機

明晨坐相失但見五雲飛

送范山人歸泰山

魯客抱白鶴別余往泰山初行若片雲杳在青崖間  
高高至天門日觀近可攀雲山望不及此去何時還

望岳

杜甫

岱宗夫何如齊魯青未了造化鍾神秀陰陽割昏曉  
憑胸生層雲決眇入歸鳥會當凌絕頂一覽衆山小

平齊行

劉禹錫

泰山沉冠六十年旅棹不饗生愁煙今逢聖君欲封

禪神使陰兵來助戰妖氛掃盡河水清日觀果卿  
雲見開元皇帝東封時百神受職爭奔馳當今壽祿  
承聖祖岳神望幸河宗舞青門大道屬車塵共侍歲  
誕翠華舉

送魏郡守奉親登東岳

中天佚蕩敞天門上帝樓臺拱帝孫五馬並臨吳觀  
重諸峯獨讓丈人尊秦松忽借蒼顏駐海日遙銜紫  
氣屯可道黃河看似帶須知西北是崑崙

送東岳張鍊師



東嶽真人張鍊師高情雅淡世間稀堪為烈女書青  
簡久事元君住紫微金縷機中拋錦字玉清壇上著  
霓衣雲裾不用吹簫伴祇擬乘鸞獨自歸

贈東岳張鍊師

王維

先生千載餘五岳徧曾居遙識秦俱興新過王母廬  
不能師孔墨何事問長沮玉管時來鳳銅盤即釣魚  
頻蒙露版詔將降軟輪車山靜泉逾響松高枝轉疎  
攜願問樵客世上復何如

謝兗州從事寄泰山石

李德裕

鷄鳴日觀望遠典扶桑對滄海似鎔金衆山如點黛  
遙知碧峯首獨立煙雲內此石依五松蒼蒼幾千載

雋州遙叙封禪

李義府

天齊標巨鎮日觀啟崇祠岿美臨渤澥隱嶙控河沂  
建岳誠爲長升功諒在茲帝猷符廣運玄言暢文思  
飛聲總地絡載化撫乾維瑞策開珍鳳禋圖薦寶龜  
東后方四覲西都尊六師天駕移星苑揚旱馭風司  
沸鼓喧平陸疑蹕靜通逵汶陽馳月羽蒙陰警電輜  
巖花飄曙輦峯葉蕩春旗石間環藻衛金壇映黼帷

三始貽遐既萬歲受重釐非質陶恩獎超迹奉軒墀  
觸網淪幽裔乘微限明時周南昔已嘆邛西今復悲

奉和展禮岱宗

蕭楚才

拂漢星旗轉分霄日羽明將追會阜蹟更勒岱宗銘  
林戈咽濟岸歎鼓震河庭葉箭凌寒矯烏弓望曉驚  
已降汾水作仍深迎渭情

奉和展禮岱宗

薛克構

龍圖冠胥六鳳駕指云亭緋烟泛濟浦綠字啟河汀  
畫裳晨應月文戟曙分星四田巡揖禮三驅道契經

行欣奉萬歲竊抃偶千齡

登封大舖歌

盧照隣

日觀仙雲隨鳳輦  
天門碧雪照龍衣  
繁絃綺席方終  
夜妙舞清歌歎未歸

書王母池

呂巖

昔日曾遊此  
如今九十春  
紅塵多少客  
誰足識予人  
再書王母池

昔年留字識  
曾來事滿華夷遍  
九無無賴蛟虬知我改  
字故留踪跡不沉埋

懷泰山

李攀龍

城內名山有岱宗側身東望一相從  
河流曉掛天門樹海色秋高日觀峯  
金篋何人探漢策白雲千載護秦封  
向來信宿藤蘿外杖底西風萬壑鍾

磨崖碑

磨崖高百尺功德此剏銘典誥文全古  
莓苔字半青可能光日月應不畏雷霆  
一代中興頌悠悠付巨靈

玉女泉

玉女何年去名猶在水濱雲疑畫眉客  
月似洗粧人

風外聽鶯佩天邊鳳憶輪不逢仙子降空拂鏡中塵

過登封門

陳沂

一入登封踞乾坤自此分諸峯會元氣亂石散星文  
仰面攀青磴回頭看白雲飛梁架窮壑鳴溜四上聞

登泰山

北上天門日未斜剛風吹我度谿舒仙人洞古留丹  
謁玉女祠高護碧霞深澗千年猶凍雪陰厓四月始  
桃花秦封漢禪俱牢落細讀穹碑感歲華

玉帝廟

玉皇祠畔一凭闌絕頂風高夏亦寒北去塵沙通漢  
海西來天地是長安青雲迥隔三千界白日平臨十  
八盤似有飛仙度幽壑鳳笙聲裏佩珊珊

文

應劭二段

是朝上山騎行往往道峻峭不騎步牽馬乍步乍騎  
且相半至中觀留馬去平地二十里南向極望無不  
觀仰望天闕如從谷底仰觀抗峯其為高也如視浮  
雲其峻也石壁竇窳如無道徑通望其人端如行朽

兀或為白石或雪久之白者移過樹乃知是人也殊  
不可上四布僵臥石上有頂復蘇亦賴齋酒肺處處  
有泉水目輒為之明

兩從者扶挾前人相牽後人見前人履底前人見後  
人頂如畫重累人矣所謂磨胸捍石捫天之難也初  
上北道行十餘步一休稍疲咽肩焦五六步一休蹠  
蹠據頓地不避濕暗前有燥地目視而兩脚不隨

邵伯溫一段

宿野人之廬前有藥龜地多鬼箭天麻玄參之類將



五鼓初各各仗策而東僅一二里至太平頂叢木中  
有真宗東封壇遺址擁褐而坐以伺日出久之星斗  
漸稀東望如平地天際已明其下則暗又久之明處  
有山數峯如卧牛車蓋之狀星斗盡不見其下尚暗  
初意日當自明處出又久之自大暗中日輪湧出正  
紅色騰起數十丈半至明處却半有光全至明處却  
全有光其下亦尚暗日漸高漸變色度五鼓三四點  
也經真廟帳宿之地石上方往窠甚多又經龍口泉  
大石有罅如龍吻其口水自中出又經天門十八盤

峯尤秀聳北眺青齊諸山可指數信天下偉觀也

喬宇一段

是時天日光麗碧漢萬里豁然四望胸恢意廣見濟  
南城東北華不注山如小屋建于水上俯觀白雲英  
英渺渺自山腰而出冒于下方北望京師南瞰淮徐  
西顧燕趙東眺海上以至于空峒丹穴太平太蒙之  
際誠天下之奇觀也

高誨一段

延佇四望滄溟東圻河流天傾而汶水湯湯抵環一

樓西南萬山伏地殆如米撮惟徂徠尼父僅霧脊可  
指耳

王世貞一段

其東南盡目力微白而晃漾者以為海耶直北而西  
隱隱一抹蒼碧若長城之堞者則意以為大行恒崧  
之類耳至稍遠而淄澠濟泗千流疊滯近而諸山皆  
若培塿獨徂徠稍尊居然一衡几睨眺久之因與徐  
君語傳所稱吳門白馬固未敢信卽小天下豈欺我  
哉俄而諸山各出白雲一縷若冢中起稍上大如席

凡數百道則狂馳而遇輒合其起無盡其狂馳而遇亦如之頃刻遂徧成白玉地而仰視則空青瑩然上下異色呼酒與徐君酌自以為生平之創目所謂野馬迴羶信也

馮時可一段

將至天門守江湛然來迎因飲余岳廟傍取岱史急讀之知我江東王大令三至而不得石經峪次公嗣至而恨失黃華洞余遊雖幽莽能窮二王所未探亦差快矣

王樹一段

于嶧陽得泰山志急披讀之始知昨所遊者里中兒  
女子祝釐故事纔及堂皇已耳山之曲房深樹蓋十  
未得一而吾所見金色日亦輟以後光景其得之難  
鳴時者絕不然余于是而又興然失也雖然亦可以  
雄生平觀矣藉使假我半月陰翳且屏盡而山之上  
差有煙粥寂處以安老親則亦不草草至此又使我  
袖置泰山志而吾友諸社少年投杖超距不避墟莽  
披圖而搜之其所見當多而今皆失之意吾其不良

于遊耶

王思任二段

月孺引數灣或明或動者潦耶泮耶汶水耶而猿蹲  
几下者又微來耶如鼠拱如龜伏者梁父長白諸山  
耶七十二君之所封也孔顏之所語也曹謝李杜諸  
老之所羨詠也此也

吾登月觀日落如車有日之觀吾登日觀月掛如船  
有月之觀雖不兩得亦未兩失也秦觀入鳥吳觀無  
馬則斷斷兮矣庶幾周觀之東乎

鍾惺一段

予登岱於山不敢言吳門周越也斷自徂徠諸峯乎  
於水不敢言海也斷自汶泮泗濟乎於典禮不敢言  
羲黃也斷自虞仲乎於石不敢言李斯也斷自摩崖  
石經乎遠而疑勿寧近而信

章曠三段

石氣圍繞衆鳥已絕

登日觀峰高山明月嵐氣成碧靜無窾竅空曠倍日  
啟明初起時上時下或南或北如物之繫而不定者

觀海亭僅存故址露立寒肅逾時東方發色皦皦激  
上一氣如白久之他處皆明東方獨紅白羊又久之  
如硤池有丹色水動於內光搖於外道士指為陽精  
半面也上浮下起日光擘裂而出金輝奪目狀似浮  
在砂池邊者倏起在天大海畢出海中諸島在水之  
中如平橋一帶過此光芒射人不復見矣

秦漢規制泯滅無聞



泰之雜記

山海經一段

泰山有獸焉其狀如豚而有珠名曰猗猗其名自計  
又剡山東二百里曰泰山有獸焉其狀如牛而白首  
一目而蛇尾其名曰蜚行水則竭行草則死見則天  
下大疫

曾子孝竇一段

曾子敝衣力耕泰山下天雨雪凍甚旬日不得歸思  
其父母作梁山歌

列子一段

伯牙遊於泰山之陰卒逢暴雨止於岩下心悲乃援琴而鼓之初為霖雨之操更造崩山之音曲每奏鍾子輒窮其趣伯牙乃舍琴而嘆曰善哉善哉子之聽夫志想象猶吾心也吾於子何逃聲哉

韓非子一段

黃帝合鬼神於泰山風伯進掃雨師洒道

韓詩外傳一段

顏淵從孔子上泰山孔子望吳閭門外有繫白馬引

淵以指之曰若見吳閭門乎淵曰見之有若繫練之  
狀孔子撫其目而止之因與俱下淵髮白齒落遂以  
病死

通志一段

孟子生時母仇氏夢神人乘雲自泰山來將止於嶧  
母疑視久之忽片雲墜而寤時閭巷皆見五色雲覆  
孟氏之居

後漢書一段

章帝元和二年幸太山有黃鵠三十從西南來經祠

壇上東北過於宮室翱翔升降

封禪儀記一段

漢光武建武三十二年二月十五日車駕上太山脯  
時到天門郭使者得銅物其狀如鍾又方柄有孔莫  
能識疑封禪具也得之者汝南召陵人姓楊名通又  
東上一里餘得木甲木甲者武帝時神也東北百余  
步得封所西北有石室壇南有玉盤中有玉龜

五行志二段

成帝河平元年太山棠谷有載焚其巢即人孫通等

聞山中藏聲往視之見巢難盡墮地中有三藏燄燒  
虎樹大四圍巢去地五丈餘不知何自來

成帝咸康八年太山石然八日而滅

風俗通一段

古封泰山禪梁甫說岱宗上有金篋玉策能知人年  
壽修短漢武帝探策得十八因到讀曰八十其後果  
壽長八十

漢書郊祀志一段

漢武帝封太山時其夜若有光書有白雲出於封中

應邵後漢志注一段

武帝時有一石用五車不能上因置山下爲屋號五車石

漢書一段

昭帝元鳳三年太山石起立高丈有五尺大四十八圍入地深八尺三石爲足立處有白鳥數千集其旁是年僵柳復起生蟲食柳葉成文曰公孫病已立

隋書一段

隋文帝開皇十四年將祀泰山令使者先至石像未

至數里野火歟起燒像碎爲小塊

搜神記一段

胡毋班過太山側逢絳衣騎從呼去見太山府君府君有女爲河伯婦班爲傳書河伯往來見太山府君數次

前秦錄一段

處士張忠隱于泰山巖棲谷飲修導養之法鑿石爲釜泰山人至今法之

唐新書一段

乾封初封禪岱宗太后率六宮升壇行禮帟席皆以錦繡爲之李敬直上言封禪須用明水以實尊彝按淮南子云方諸見月則津而爲水注云方諸陰燧大蛤是也磨拭令熱以向月則水生詔令試之自人足至夜半得水四五斗便差送太山以供用

拾遺記一段

泰山下有連理文石高十二丈魏文帝之始稍覺相近如雙闕土石陰類魏土德之應也

後魏書一段



段暉字長祚姑臧人師事歐陽湯有一童子與暉同志後二年童子辭歸從暉請馬暉戲作木馬與之童子甚悅謝暉曰吾乃泰山府君之子奉勅遊學今將歸煩子厚贈無以報德子他曰位至常伯封侯非報也且以爲好言終乘木馬而去騰空乞伏熾盤時暉歷御史大夫海西侯

百川學海一段

唐玄宗將登太山益州進白驃潔淨偉異上親乘之柔習便安不知登降之倦告成禮畢復乘而下線下

山坳休息未久而有司言白驪無病而死上歎異之  
謚曰白驪將軍命有司具櫬橫累石爲墓在封禪壇  
北里許

北史一段

後齊天統初封禪壇玉壁自出

法苑珠林一段

泰山東有醴泉其形如井本體背石欲者飲洗心跪  
而挹之則泉湧若污慢則泉縮

東岳志二段

岳巔有雲如龜狀必雨白色三日雨黑色不崇朝雨  
土人占驗不爽

泰山鑼鼓灣在大峪西世傳七月中元日有聲如鑼  
鼓齊鳴

宋史一段

宋貞宗祥符元年王母池水變紅紫色天枯石河邊  
湧出二十五泉一泉出層阜之上經宿勢漸盛引數  
派雙魚躍其中有果實流出似李差水味甚甘

自警編一段

采制沙門島罪人有定額溢額則取一人投之海馬  
默守登州疏請罪人溢額者移登州詔可即著爲令  
未幾默坐堂上忽昏困如夢中見一人乘空來挾一  
男一女大呼曰我自東岳來上帝有命馬默本無嗣  
以活沙門島罪人上帝特賜男女各一人遂乘黃雲  
而去默驚起與左右卒隸猶見黃雲在天後果生男  
女

說郭一段

桀之將亡泰山巖泣三日

卷之一終